

懷香記

上

一

二

三

四

懷香記目錄

懷香記

古本戲曲叢刊初集

古本戲曲叢刊

古本戲曲叢刊編刊委
員會景印長樂鄭氏藏
汲古閣刊本原書版高
二十公分寬十三公分

懷香記目錄

卷上

第一齣

家門始終

第二齣

赴辟登程

第三齣

欽賜異香

第四齣

京邸遇舊

第五齣

司空受掾

第六齣

繡閣懷春

第七齣

青瑣相窺

第八齣

相思露意

第九齣

託婢傳情

第十齣

蘭閨復命

第十一齣

氏羌謀叛

第十二齣

協謀出鎮

第十三齣

受詔安邊

第十四齣

夕陽亭議

第十五齣

春閨寄簡

第十六齣

掾房訂約

第十七齣

赴約驚回

第十八齣

緘書愈疾

第十九齣

醉誤佳期

第二十齣

承明雪宴

卷八

卷八

卷九

卷九

卷十

卷十

卷十一

卷十一

卷十二

卷十二

卷十三

卷十三

卷十四

卷十四

卷十五

卷十五

卷十六

卷十六

懷香記

上

第一齣

末上

青玉案悠悠世事風雲狀得失何須苦惆悵綠水
青山周四望名疆利鎖心猿意馬因此都拋漾○
勸君亦莫思三上且向歌臺聽寶障淺淺斟今低
低唱伯夷清餓子淵貧天總是蓬蒿塋

問答照常

意難忘韓壽文章似琳珪清越星斗輝煌司空徵
作掾才貌動蘭房賈午姐逞紅粧更風韻芬芳青

懷香詩
瑣中秋波頻盼仔細端相○相思夢寐顛狂憑蜂
奴撮合雲雨高唐異香生衆議狐跡顯東牆司空
怒事乖張遣贊畫勤王奏凱回馳封勅配依舊成
雙

賈午姐風流絕代

春英奴撮合多方

賈司空粉牆覓迹

韓德真青瑣懷香

第二齣

生上

逍遙樂文林誇腹藁信詞源三峽倒功名唾手等
鴻毛徘徊際遇挫抑雄豪冷落風騷鷓鴣天肆志

三餘力藝文箕裘克紹襲遺芬詩書典雅能傳
業禮樂縱橫可致君懷道德立功勲不愁無地
際風雲臥龍且自吟梁甫三顧方勤譽日聞小
生姓韓名壽字德真世居南陽之堵陽曾祖暨
仕魏爲司徒不幸幼失雙親夙勤六藝高才越
俗每舉筆而凌雲壯氣橫秋方乘槎而犯斗文
旣鮮于綴錦賦尤朗于金聲枕經藉書聖賢爲
伍策名脫穎卿相是期爲先達之推出等夷之
秀過人事業欲配二而參三經世謀猷將襲六

以爲七爭奈青雲路杳未遂升騰黃卷情親尚
專勉勵要將姓字驚天下須把功名奏日邊昨
蒙賈司空行文書到本縣辟取小生去爲司空
掾吾想男子生桑弧蓬矢以射天地四方幼而
學壯而行立身揚名正在今日況司空與我祖
父通家必有汲引之意只得打點前去已曾分
付小廝收什行李想完備了書童琴童那里

金錢花

淨丑上

書童生得清標清標琴童且又蹊
蹊蹊蹊畫堂終日把臀搖薰風盛忒粧喬家主見

也難饒

見介

官人有何使令

生

昨日分付你們收

什行李曾完脩麼

淨丑

琴劍書箱鋪陳包裹之

類俱完脩了

生

既已完脩今日黃道大吉可卽

起身去罷

淨丑挑行李生行介

甘州歌

才高年少荷司空禮幣相招龍門容接信

是庸流難到潭潭相府司文籍耿耿襟期冠俊髦

合

持法律效管簫致身希不負青袍行囊薄去與

高觀光上國陟層霄

前腔

淨丑

纔離故國郊見繁紅媚綠村村佳好流

鶯飛燕趁風日聲弄新嬌雲山滿目無終盡囊篋

隨身豈憚勞

合

循幽澗過小橋酒旗搖漾慰蕭條

苔痕滑樹蔭饒危崖飛瀑雜鳴濤

前腔

生

平生倚馬豪吐胸中星斗芒寒光耀斜封

徵辟匆匆馳騁鳴鑣琴書跋涉愁千里頭角崢嶸

奮一朝

合

誇瑚璉鄙斗筭從來出谷尚遷喬遵周

制珥漢貂歷觀形勝赴皇朝

前腔

淨丑

天涯漸寂寥看峰嵐凝紫殘霞縹緲斜

陽西逝聞空谷聲答歌樵牛羊已下山徑靜鳥鵲

爭歸林木擾

合

炊煙起林影遙垂楊占渡晚平潮

行蹤倦旅況樵馬蹄香逐暮塵消

尾聲向神京杳杳前村燈火借今宵明日鞭加

款段勞

一紙徵書起月評

脩程不恤赴神京

功名自是男兒事

此去青雲足下生

第三齣

外上

菊花新調元贊化宰群工寅亮承天寵追蹤周召
奏膚功四海音徽鏘湧清廟圭璋器明堂柱石材

赤心存燮理無物不栽培下官姓賈名充字公
閻平陽襄陵人也先父逵仕魏爲豫州刺史封
陽里亭侯晚年始生下官言後當有充閻之慶
故以爲名字襲爵爲侯佐晉受禪爲開國元勳
累官司空侍中尚書令封郡公兼領軍務清淨
以寧民心勤社稷勞謙而得士譽溢公卿精識
造微炯若著龜之先見威名流遠卓如松柏之
後凋定策興王允孚人望寬刑著令求奠那基
惟獻替之日陳殆弼諧之天授擢登宰輔實首

中台廣井邑之提封增賦租之糗食誠所謂一
人之下萬人之上也夫人郭氏生男俱歿止有
三女長名荃姐爲齊王元妃次名濬姐當朝欲
議爲皇太子正配尚未成婚另居別院以待冊
禮幼女名午姐今庚一十六歲未曾許嫁喜他
才貌無雙爲芳閨之窈窕思我門楣有託慰晚
景之蕭條屈此春光宜開家宴分付侍女春英
請夫人小姐出來

內應介

海棠春

老日上

簾鉤聲觸和風送正滿目韶華如